



01
4878
PB. 101

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-51770-30.1/23
Sarajevo, 14.12.2023. godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine

PREDMET: Inicijativa za dopunu Zakona o državnoj službi u Kantonu Sarajevo, mišljenje-

VEZA: Vaš akt, broj: 01-04-50075-5/23 od 24.11.2023. godine

Na osnovu člana 34. stav (5) Poslovnika o radu Vlade Kantona Sarajevo („Službene novine Kantona Sarajevo“, broj: 23/23), a u vezi sa odredbama člana 130. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), Vlada Kantona Sarajevo, na **Četvrtoj** sjednici održanoj **14.12.2023.** godine, razmotrila je Inicijativu za dopunu Zakona o državnoj službi u Kantonu Sarajevo, koju je uputio zastupnik Faruk Selmanović i daje sljedeće

MIŠLJENJE

Postupajući po Zaključku Skupštine Kantona Sarajevo, broj: 01-04-40225-1/23 od 11.09.2023. godine, kojim je Vlada Kantona Sarajevo zadužena da pripremi izmjene Zakona o državnoj službi u Kantonu Sarajevo *kako bi se Zakon harmonizirao sa federalnim propisima i drugim kantonima u dijelu imenovanih lica - savjetnika*, Ministarstvo pravde i uprave Kantona Sarajevo pristupilo je izradi Nacrta zakona o izmjenama i dopunama Zakona o državnoj službi u Kantonu Sarajevo (u daljem tekstu: Nacrt zakona).

Imajući u vidu da je primjenom Zakona o državnoj službi u Kantonu Sarajevo („Službene novine Kantona Sarajevo“, broj: 31/16 i 45/19) uočeno da pitanje poništenja javnog konkursa nije precizno uređeno, te da je i Institucija Ombudsmena Bosne i Hercegovine Vladi Kantona Sarajevo izdala Preporuku, broj: P-179/23 od 14.07.2023. godine, da se izvrši dopuna Zakona o državnoj službi u Kantonu Sarajevo i da se na jasan način definiše u kojim slučajevima, kao i u kojoj fazi je moguće poništiti javni konkurs, Nacrtom zakona je, pored pitanja imenovanih lica - savjetnika, uređeno i pitanje poništenja javnog konkursa, te druga pitanja u vezi sa kojim je primjenom ovog zakona uočeno da nisu precizno uređena.

S tim u vezi, Vlada Kantona Sarajevo cijeni sadržaj inicijative upućene od strane zastupnika Faruka Selmanovića za dopunu Zakona o državnoj službi u Kantonu Sarajevo u pogledu propisivanja uslova za poništenje konkursnih procedura opravdanim, ali također ukazuje da je Ministarstvo pravde i uprave Kantona Sarajevo, kao nosilac izrade ovog zakona, već pristupilo izradi Nacrta Zakona o

izmjenama i dopunama Zakona o državnoj službi u Kantonu Sarajevo, kojim će biti obuhvaćeno i pitanje iz predmetne inicijative.



Dostaviti:

1. Naslovu,
2. Ministarstvo pravde i uprave Kantona Sarajevo,
3. Evidencija,
4. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba